





lineo. 1 Mezuro de longo (1/12 de colo aŭ 2,256 mm). 2 . Maldika ŝnuro tre zorge elfarita : *~o por sondado*.

linimento . Likva aŭ nedensa kuracilo por ŝmiri aŭ froti : *amoniakkamfora ~o*.

lispi (ntr). Misprononci la siblajn aŭ gingivajn konsonantojn (ekz-e *th* anstataŭ *s*, *z* anst. *j*, *ŝ* anst. *ŝ*).


* **Lito** ALD *~kovrilo* ^z. Lana aŭ kotona teksaĵo, kiun oni metas sur *~on* por konservi la varmon : *la ~kovrilo estas tro mallarĝa por sin enkovri* ^z; *feloj servis kiel matracoj k ~kovriloj* ^z (Kp PIEDKUSENO). *~tuko* ^z. Ĉiu el la du tolaĵoj aŭ kotonaj tukoj, inter kiuj dormas ordinare la okcident-eŭropanoj : *ne trovante la vestojn, ili de timo envolvis sin en la ~olukojn* ^z. *~urinado* . Nevola ellaso de urino dum la dormo. *~vagono*. Vagono provizita per *~oj*, aŭ per benkoj transformeblaj en *~ojn*.


literato ^z. Beletra verkisto.

Lobo ALD  **Tri** *~uloj*. Klaso de formortintaj artikuloj el la paleozoika erao, kies korpo estas laŭlonge k laŭlarĝe tria (Trilobita).

loeso. Ŝlimo el fajna, flavogriza kalka

tero, en Rejna k aliaj rivervaloj, k en norda Ĉinujo.

logistiko . Tiu branĉo de la militarto, kiu koncernas la koncentradon k proviantadon de la armeoj.


loksodromio . 1 Linio desegnita sur sfero, tiel ke ĝi trapasas ĉiujn meridianojn egalangule. 2 Linio sur marmapo, laŭ kiu iradas ŝipo, kiu ne ŝanĝas sian direkton.

lopo (Avi). Kompleta turnigo de aviadilo en vertikala ebena ĉirkaŭ ĝia transversa akso, dum kiu ĝi tenas la supran surfacon de la aloj interne de la tiel farita trajektorio. *~l* (ntr). Fari *~on*.

Lozango ANST Nomo de kelkaj romboformaj objektoj, interalie : 1 heraldika figuro, simbolo de lancopinto. 2 Malgranda peco el medikamenta sukeraĵo, kiun oni lasas fandiĝi en la buŝo : *kontraŭtusa ~o*. 3 Faceto de tajlita gemo. *~e*. Laŭ la arango de la bildoj sur okkara ludkarto : *~e plantita arboparko*.


luĝo (Sp). Malgranda sledo uzata en vintroj sportoj. *~l* (ntr). Glitveturi per *~o*.

M


maato ^z . Ŝipano staranta inter la rango de ŝipsoldato k tiu de ŝipoficiro.

magazino. Perioda vulgara revuo, ordinare ilustrita k enhavanta artikolojn pri tre diversaj temoj.


magdalenio. La plej nova el la periodoj de la supera paleolitiko, karakterizita per seka malvarma klimato, multigo de la rangiferoj en la tuta Eŭropo k florado de la skulpta k pentra artoj.

magmo . Rokaĵo en fluida formo en la interno de la tero. *~a*. Konsistanta aŭ estiĝinta el *~o* : *~a rokspeco* (el solidiĝinta *~o*, ekz-e diorito).

magnetizl ^z (tr). Hipnotigi : *ili aliĝis al ĝi, ~itaj de la volo de l'aŭtoro* ^z.

magnolio . Genro (*Magnolia* el magnoliacoj) de arboj k arbedoj, kun

elipsoformaj, ebenrandaj, ofte ledecaj grandaj folioj k eksterordinare grandaj, unuopaj, blankaj, rozkoloraj aŭ purpuraj floroj, kies burĝonoj estas kovritaj per unu aŭ du vilaj skvamoj — la estintaj stipuloj de la laste falinta folio : gravaj ornamplantoj, ĝardene kultivataj. Kp TULIPARBO.

magra . 1 Malgrasa : *~a longa maljunulo*; *~iĝi*; *malsana ~egeco*; *~a karbo* (entenanta de 88 ĝis 90% da karbono k donanta mallongan flamon). 2 (p.p. viando) Konsistanta ĉefe el muskola histo, ne el graso : *~a porkribo*. 3 Tro simpla, malriĉa, malabunda : *~a rikollo, pensio*; *~aj jaroj* (en kiuj la vivteno estas malfacila).

maĥinacio ^z. Sekreta intrigo, ruza komploto : *malamiko plena je danĝeraj k misteraj ~oj* ^z.